



## Fios Foghlama- Cor Poist ón nGaelAonad Bunscoile – Bealtaine 2025

A chairde,

Tá an samhradh agus an dea-aimsir buailte linn.

Tá súil againn go mbainfidh sibh taitneamh agus tairbhe as acmhainní agus nuacht na míosa seo.

Go dtuga an samhradh grianmhar suaimhneas is sonas daoibh

Ó Fhoireann Bhunscoile an GhaelAonaid

---

**‘Má bhíonn Bealtaine fliuch agus Meitheamh tirim, bíonn an feirmeoir ag feadaíl.’**

**‘Is fiú saithe na mbeach i mí na Bealtaine agus carn féir.’**

**‘Líonann Bealtaine fhliuch agus ghaothmhar na sciobóil le harbhar agus féar.’**

Léigh tuilleadh faoin samhradh anseo [https://www.museum.ie/ga-ie/collections-research/folklife-collections/folklife-collections-list-\(1\)/religion-and-calendar-customs/may-day\\_](https://www.museum.ie/ga-ie/collections-research/folklife-collections/folklife-collections-list-(1)/religion-and-calendar-customs/may-day_)



### Foghlaim Chomhtháite Abhar agus Teanga (CLIL)

*Ar mhaith leat an Ghaeilge a spreagadh sa scoil leis an gcur chuige FCÁT?*

*An bhfuil tú ag múineadh i scoil meán-Bhéarla?*

Cruthaíonn FCÁT deiseanna nádúrtha don Ghaeilge a úsáid in ábhair éagsúla. Cuirtear tacaíocht ó Oide ar fáil mar chuid den chlár seo agus tugtar deis iontach a bheith ag foghlaim i gcomhpháirt le múinteoirí eile.

Breis eolais agus acmhainní ar fáil [www.oide.ie/irish-medium/baile/fcat/](http://www.oide.ie/irish-medium/baile/fcat/) agus

[https://assets.gov.ie/static/documents/Content\\_and\\_Language\\_Integrated\\_Learning\\_Irish\\_Pilot\\_Project\\_2025-26.pdf](https://assets.gov.ie/static/documents/Content_and_Language_Integrated_Learning_Irish_Pilot_Project_2025-26.pdf)

**Cláraigh [anseo roimh an 13 Meitheamh](https://assets.gov.ie/static/documents/Content_and_Language_Integrated_Learning_Irish_Pilot_Project_2025-26.pdf)**



## Amhrán na Míosa



**Thugamar féin an samhradh linn (Samhradh samhradh bainne na ngamhna)**

John Spillane <https://youtu.be/H33yO0d3JNc?si=Er5SmL83opPqeADR>

The Gloaming, Iarla Ó Lionáird <https://youtu.be/VjE33BQ7aJ4?si=8yJp9pziLcSKo-rw>

Samhradh, samhradh, bainne na ngamhna,  
Thugamar féin an samhradh linn.  
Samhradh buí na nóinín glégeal,  
Thugamar féin an samhradh linn

Cuilleann is coll is trom is caorthann  
Thugamar féin an samhradh linn  
An fuinseog ghléigeal bhéil an átha  
Thugamar féin an samhradh linn


Thugamar linn é ón gcoill chraobhaigh,  
Thugamar féin an samhradh linn.  
Samhradh buí ó luí na gréine,  
Thugamar féin an samhradh linn

Samhradh, samhradh, bainne na ngamhna,  
Thugamar féin an samhradh linn.  
Samhradh buí na nóinín glégeal,  
Thugamar féin an samhradh linn

Bábóg na Bealtaine, maighdean an tSamhraidh,  
Suas gach cnoc is síos gach gleann  
Cailíní maiseacha bán-gheala glégeal,  
Thugamar féin an samhradh linn

Bábóg na Bealtaine, maighdean an tSamhraidh,  
Suas gach cnoc is síos gach gleann  
Cailíní maiseacha bán-gheala glégeal,  
Thugamar féin an samhradh linn

## Acmhainn na míosa



### Flippity

Is acmhainn saor in aisce é flippity agus is féidir le múinteoirí agus daltaí cluichí oideachais a chruthú leis. [www.flippity.net](http://www.flippity.net)



### Pota Focal

Is foclóir neamhspleách Gaeilge é Pota Focal. Tá teasáras Pota Focal bunaithe ar Líonra Séimeantach na Gaeilge, saothar de chuid Kevin Scannell <http://www.potafocal.com>



## Samhlacha na míosa

Chomh fada le lá samhraidh  
Chomh gorm leis an spéir ar lá breá samhraidh  
Chomh hionraic leis an ngrian  
Chomh glé le droim na farraige i mbrothall an tsamhraidh  
Chomh geal le ceannbhán nó chomh geal le canach an tsléibhe  
Chomh ata le frog  
Chomh binn le ceol na n-éan  
Chomh ceolmhar le cloigín  
Chomh soiléir le grian an mheán lae  
Chomh sásta le píobaire  
Chomh socair le cat  
Chomh fairsing le féar nó le gaineamh  
Chomh sona le páiste le huachtar reoite  
Chomh séimh le leanbh  
Chomh te le leaca ifrinn

## Podchraoltaí



**Podchraoladh 435: Agallamh le Claire Dunne** (Institiúid Oideachais Marino) faoi mhúineadh na Gaeilge

<https://insideeducation.podbean.com/e/podcast-435-dr-claire-dunne-on-teaching-irish-10-3-25/>

### **E9: An Ghaeilge agus prionsabail na Foghlama, an Teagaisc, agus an Mheasúnaithe (Dr. Claire Dunne agus Clodagh Ní Mhaolchiaráin.**

Ar an gclár seo, pléann Dr. Claire Dunne (Léactóir) agus Clodagh Ní Mhaolchiaráin (Príomhoide) Prionsabail an Teagaisc, na Foghlama agus na Measúnachta mar a ndéantar cur síos orthu i gCreatchuraclam na Bunscoile. Pléann siad an chuma atá ar na prionsabail sin (aistrithe agus leanúnachas, caidrimh, comhpháirtíochtaí, gníomhú agus rannpháirtíocht, measúnú agus dul chun cinn timpeallachtaí foghlama, oideachas ionchuimsitheach agus éagsúlacht agus oideolaíocht) i dtéarmaí praiticiúla i múineadh na Gaeilge.





### Taisce Chanúintí na Gaeilge

Léirítear scothshamplaí de chanúintí réigiúnacha na Gaeilge ó Chartlann RTÉ. Tá 200 taifead ann as dhá chontae dhéag agus cuimsíonn siad na ceantair Ghaeltachta mar a thuigtear inniu iad agus ceantair ina bhfuil an teanga imithe i léig le fada an lá. Díríodh ar an tréimhse ó na 1940idí go dtí na 1990idí agus áirítear ann cuid de na taifeadaí Gaeilge is luaithe ó Chartlann RTÉ.

Ceann de na gnéithe is suntasaí den acmhainn seo is ea an chaoi go mbíonn leaganacha canúnacha den fhocal céanna cruasaithe le chéile faoin leagan caighdeánach.

<https://www.canuint.ie/ga/eolas/faoin-suiomh-seo/eolas-faoin-tionscadal/>

### Gearrscannán: Scríofa sna Réaltaí

Is breá le Seán atá naoi mbliana d'aois agus a bheith ag aisteoireacht. Bíonn sé deacair ar Sheán a línte a chur de ghlanmheabhair ó tharla go bhfuil ach ní stopadh an diabhal féin é a bheith ar an stáitse. Is ábhar misnigh é an scannán seo a thugann spreagadh do dhaoine dúshláin a shárú.

Gearrscannán (15 nóiméad)

<https://cula4.com/ga/claracha/scrifofa-sna-realtai/1>

### Is Linne í



Rap úrnua agus físeán ceoil spreagúil ó dhaltaí i gCathair Chorcaí. Chun an Ghaeilge a dhéanamh níos tarraingtí agus níos ábhartha do dhaltaí sa lá atá inniu ann, tháinig Barr na gCnoc, GMCBeats agus Léiriú Súgradh Teo le chéile chun físeán ceoil i seánra hip hop a chruthú, le dul i bhfeidhm go mór ar an bhfoghlaim.

Ábhar mhachnaimh dúinn ar fad atá sa churfá 'Táimid ag lorg slí níos úire, chun an teanga a dhéanamh níos suimiúla.' <https://foghlaim.tg4.ie/ceacht/6369670164112>

Ábhar tacaíochta agus liricí ar fáil anseo <https://tg4-foghlaim.s3.eu-west-1.amazonaws.com/files/d9824e12-cb83-4a93-9f26-9092ba44ad4a.pdf>

Alt nuachta faoi ar Nuacht Cúla4: <https://youtu.be/SJHcHoqXlpA?si=FzYuOZsEhfUPCwfP>



## Ionduchtúchán Droichead: Seisiún Eolais do Phríomhoidí

Beidh seisiún eolais (trí Ghaeilge) ar siúl do phríomhoidí ar an 29 Bealtaine chun tacú leo leis an bpróiseas Droichead. Is imeacht dhá uair an chloig ar líne (Zoom) a bheidh ann a bheidh éascaithe ag baill den bhFoireann Ionduchtúcháin Droichead.

Oide Tacú leis an bhFoghlaim Ghairmiúil i measc Ceannairí Scoile agus Múinteoirí Supporting the Professional Learning of School Leaders and Teachers

Fáiltíonn an Rannán Ionduchtúcháin Droichead roimh iarrtais don Seisiún Eolais do Phríomhoidí

TÁ SÉ MAR AIDHM AG SEISIÚN EOLAIS DROICHEAD DO PHRÍOMHOIDÍ TACÚ LE PRÍOMHOIDÍ AGUS IAD A CHUR AR AN EOLAS FAOI DROICHEAD

DÉARDAOIN 29 BEALTAINE 2025 Ó 10.00 RN - 12.00 IN

CLÁRAIGH ANSEO

primarydroicheadsupport@oide.ie @Oide\_Droichead

## Cúrsa Samhraidh Bunscoile 2025 - FCÁT

Oide Tacú leis an bhFoghlaim Ghairmiúil i measc Ceannairí Scoile agus Múinteoirí Supporting the Professional Learning of School Leaders and Teachers

FCÁT

Foghlaim Chomhtháite Ábhar agus Teanga  
Content Language Integrated Learning  
Scoileanna T2

Modheolaíochtaí FCÁT/ CLIL Methodologies

Straitéisí Praiticiúla/ Practical Strategies

Ag Ullmhú Ceachtanna/ Preparing Lessons

Fiosróidh an cúrsa samhraidh aghaidh ar aghaidh seo FCÁT agus cumasóidh sé múinteoirí leis an gcur chuige seo a chur i bhfeidhm trí Ghaeilge ina seomraí ranga féin. Tabharfaidh an cúrsa praiticiúil, idirghníomhach seo deis do mhúinteoirí agus do cheannairí scoile machnamh a dhéanamh ar a dtaithe féin ar mhúineadh agus foghlaim agus pleanáil do cheachtanna a bhaineann leas as cur chuige FCÁT.

3 lá EPV ar fáil. Cláraigh tríd na hIonad Oideachais seo a leanas:

Ionad Oideachais an Chláir 1-5 Iúil 2025

Ionad Oideachais Dhroim Conrach 18-22 Lúnasa 2025

Déan teagmháil linn ar [eolas@oide.ie](mailto:eolas@oide.ie). agus leanaigí sinn ar X [@OidePrimGaeilge](https://twitter.com/OidePrimGaeilge)